



UNIVERSITÄTS-  
BIBLIOTHEK  
PADERBORN

**Exercitia S. P. Ignatii Via Ad Salutem Et Perfectionem  
Propriam & alienam, Tuta & perpetuo tenenda**

**Ignacio <de Loyola>**

**Hildesii, 1713**

**VD18 13664689**

Dies octava.

---

[urn:nbn:de:hbz:466:1-60348](https://nbn-resolving.org/urn:nbn:de:hbz:466:1-60348)



Dies octava.

Quæ sequuntur proponit S. Pat. hebdomadâ quartâ suorum Exercitiorum, spectantque ad perfectionis *viam unitivam*. Hujus vitæ scopus est *unio* cum Deo, unionis in cœlo perfectæ quoddam in hac vitâ principium & imitatio, quæ potest semper hic esse perfectior & perfectior. Unionis hujus opus & fructus est; ut animus totâ memoriâ, intellectu & voluntate Deo conjunctus sit, ideóque cogitet non de se, non de creaturis, sed de Deo solo & Divinis perfectionibus; æstimet non se, non creaturas, sed solum Deum; amet non se, non creaturas, sed solum Deum; agatur in homine non ductu naturæ aut creaturæ sed Dei; ut agat & patiatur non ad suam vel hominis sed Dei voluntatem. Unde consequitur, ut in ista unione annihilentur quasi cætera omnia, ac pro nihilo tractet homo se & creaturas; ac porro obtineantur, & perfectiùs quidem ea omnia, quæ ab initio Exercitiorum intenta sunt in unione illa major laus, amor & veneratio Dei; vita ab unito Deo purior à peccatis & imperfectionibus, virtutes magnæ & Dei-formes, zelus animarum ad gloriam Dei, Divini zeli imitatio, abnegatio omnis boni proprii, rerum difficillimarum, amore Dei & aggressio & patientia lubentissima, secundum omnem & solam Dei amati & uniti optimam voluntatem.

Ad

Ad hanc *unionem* ducit S. P. primùm intuitu, amore & complexu Christi in gaudiis suæ resurrectionis, velut in atrio gloriæ æternæ & præmii, &c. ut in hoc obliti & nos & terrena, nullo aliorum gustu, sola æterna & Christum spectemus, tanto ad quævis perfecta & ardua promptiores. Secundò: Ducit ad beneficia divina, quibus cum sentiamus Deum nos amantissimè complexum & multa magnâque nobis bona exhibuisse; mutuo eum complectimur & bene volumus Deo, nullo peccato avellendi nullâ difficultate, sed magna & acceptissima quæque exhibitori. Tertio in illa unione & complexu gratitudinis discimus etiam Deum sine suo lucro, puro amore nos felicissimè complectentem: ut ascendamus & nos ad amorem purum Dei & perfectum, purè propter se in suis perfectionibus; ad amorem & benevolentiam quam meretur, etsi nihil nobis fecisset nec factururus esset boni.

Huc pervenire, non est quidem opus brevis temporis: principium tamen & fundamentum hinc à S. P. datur, ex quo per studium exercitationis & orationis sedulæ, magis magisque, etiam dum in aliis viis exercemur, proficiamus.

## Meditatio prima

### DE RESURRECTIONE CHRISTI.

*Oratio preparatoria juxta morem.*

Prælude primū accipitur ab historia. *Quomodo, postquam exspiravit Dominus in cruce, sepulto corpore sed Divinitate semper sociato, ipse in anima,*

L

Divi-

Divinitati quoque continuè unita, descendit ad inferos, ereptisque inde animabus justorum, rediens ad sepulchrum, corpus cum anima denuò univit, ac resurgens demum apparuit Beatae Virgini Matri suae vivus, ut piè ac verisimiliter credendum est.

Secundum: Pro constructione loci: speculandum accipiet sepulchri situm & Beatae Virgini domicilium, ejus formam, partes & reliquam dispositionem &c.

Tertium: Continebit gratiam petendam, ut scilicet immensum Christi & Matris gaudium participemus.

### Intellectus.

#### Punctum primum.

**R**epresentat personas: ad cadaver Christi omni miseriam deformatum, stupentes animas praesentes è lybo cum Christo reduces, stupentes tum Christi praeterita tormenta, tum ejus & Dei amorem: tum delicti expiati gravitatem: denique subitam gloriam redivivi Christi: Divina omnia. Et inde Jesus ad Mariam, occupatam in extatica meditatione, & dolore ex mortuo Jesu. Hujus stupor subitus viso Jesu tali, & in isto comitatu tot Angelorum, tot animarum. Gaudium Jesu & Mariae. (a)

Intellectus expendit, tanta ea fuisse, quanta fuit causa. Quan-

### Voluntas.

(a) Admiratio, stupor, in istis omnibus velut praesentibus & magnis. Imitatio affectuum quos praesentes seu anima, seu Angeli, seu Mater Christi, seu ipse Deus habuit viso JESU vivo.

Gaudium tum de praeteritis tunc malis, tum de praesenti felicitate:

Gratulatio post tanta mala de omni fructu in se & aliis.

*Intellectus.*

ra verò? Omnia Divina: omne ob-  
jectū omnis gaudii; facies, pulchri-  
tudo &c. satus gloriosus immorta-  
lis & Divinæ gloriæ. Contraria  
præcedentia augent gaudium. (a)

*Conclus. pract.* Debeo & ego, cui  
datum est hæc per fidem videre,  
cum ipsis, totius generis humani,  
omnis creaturæ & meâ causâ gau-  
dere: omne aliud gaudium mundi  
spernere & oblivisci, melius olim  
cum his ipsis coram gavifurus in  
in cœlis (b) *Reflexio* uti aliàs.

*Punctum secundum:* Verba gra-  
tulantium & gratias agentium, su-  
bitò redivivo Christo. Quæ ver-  
ba, quantæ dulcedinis & gaudii  
mutui? &c. uti punct. 1.

*Punctum tertium.* Opera: Com-  
plexus, & multa adoratio. &c.

*Punctum quartum.* Animadver-  
tere, quomodo Christi Divinitas, pas-  
sionis & mortis tempore abscondita,  
palam se faciat in resurrectione, ac tot  
miraculis deinceps elucescat. Adver-  
te & expende primò fructum à  
Deo intentum per passionem (de  
quo d. 7. m. p. 5.) scilicet gloria  
dignitatis, hæc elucet. Alter fru-  
ctus pro humanitate Christi ejusq;

*Voluntas.*

*Desiderium,*  
spes, coram vi-  
dendi Jesum.

*Gaudium cum*  
beata V. Ma-  
ria: eidem gra-  
tulatio, enume-  
rando singulas  
causas gaudii.

*Similia ad Ss.*  
*Gaudium in fi-*  
de, spe magna,  
& amore. Pre-  
catio ut te fa-  
ciat Christus in  
hac & in altera  
vita particip. in  
spretis manda-  
nis.

(b) *Pro more.*

(c) *Craru-*  
lare etiam Di-  
vinitati in ma-  
gna admiratio-  
ne statum uni-  
tæ humanitatis.

*Magna gratia-*

gloria

*Intellectus.*

gloriâ, quibus perfectionibus Divinis hæc aguntur! quomodo communitatis humanitati? quo affectu in humanitatem? quo sensu, honore, gaudio Christi? quibus excusis? certò nimirum compensat Deus adversa felicibus, brevia æternis & Divinis, majora majoribus (c.

*Conclus. pract.* Et Deo & Christo valde gratulandum gaudio magno; tibi concilianda etiam Divinitas pro simili gloria per Christi imitationem.

Punctum quintum. *Æstimare, quàm prompto copiosoque functus sit Dominus consolandi suos officio, adhibitâ consolationis, quæ ab amicissimo quodam præstari potest, similitudine.* Expende & adverte fructum tertium passionis Christi (de quo, d. 7. m. 1. p. 5.) scilicet in hominibus, maximè amicis. Expende amorem & curam de suis, præsentiam, alloquium, familiaritatem, solatium, subsidium, communicationem, instructionem, promissionem suavitatem &c. idque nunc præstitit in primis B. V. Matri suæ. Occurrit nunquam talis filius tali matri, tali mutuo amore & gaudio, post tan-

*Voluntas.*

*rum actio pro Christo. Desiderium, & spes similium &c.*

(d) *Magnus amor mutuus in Christum.*

*Gaudium, gratulatio utrisq; fiducia, desiderium similis amoris.*

*Abdicatio omnium aliorum Conatus multa & magna.*

*Cætera pro more.*

ta mala, tali solatio sermonis, & personæ; & complexus &c similia exhibebit aliis, prout quisque laborum ac molestiarum socius extiterit. ( d )

*Conclusio practica:* Christo socius esto perpetuus; esto animo unitus, atque opere, interno simul & externo; Socius passionum, futurus particeps & solatii & gloriæ.

*Reflexio pro more.*

Materia pro pluribus similibus meditationibus ex lib. Exerc. pag. 178. aut ex evangelio petenda est. Addi præ aliis posset meditatio de ascensione Christi in cœlum ad delibanda cum Christo cœli gaudia.

## Meditatio.

Ad amorem spiritualem excitandum.

**S**Copus hujus meditationis est, quem ponit S. P. in præludio secundo ut *ad amorem, cultum & servitium ipsius ( Dei ) totum me impendam*, scilicet, quod ab initio Exercitiorum propositum, & variis motivis agitatum, ut idem ipsum in fine perfectiùs consequamur, & quidem per viam amoris & unionis spiritualis. Hujus viæ proponit 4. gradus, totidem punctis hujus meditationis. *Primus* gradus est: ut ex beneficiis redamem amantem Deum, & me totum illi consecrem. *Secundus:* Ut hæc mei consecratio & amor fiat in magna perpetuâque unione mei intellectus cum Deo præsentem, quem ubique inveniam & amem. *Tertius:* Ut eadem adhuc perfectiùs fiant; dum in unione intellectus & animi, & voluntatem

unio sit etiam laboris & actionis, & divina quædam fiat actio omnis mea, & passio, in plenissima conformitate. *Quartus:* Ut ascendam ad summas Dei perfectiones cognoscendas & amandas, ibidemque exercendo perfectius superiora omnia in suprema Dei bonitate acquiescam.

Dividetur hæc meditatio in duas partes, quarum altera sit secunda meditatio hujus diei, altera loco tertiæ meditationis.

## PARS PRIMA

*Oratio preparatoria pro more.*

Prælidium primum est: *Ut coram Domino, Angelis, Sanctisque omnibus mihi propitiis, stare me videam.*

Secundum. *Ut gratiam Dei efflagitem, per quam beneficiorum ejus in me collatorum magnitudinem perspiciens, ad amorem, cultum & servitium ipsius, totum me impendam.*

### Intellectus.

#### Punctum primum.

**I**n memoriam revocare beneficia creationis ac redemptionis: *Divina itidem particularia, seu privata enumerare.*

*Intellectus* perpendit, eundo per tria ista & singula; scilicet in beneficio creationis naturalia; in beneficio redemptionis supernaturalia omnia; particu-

### Voluntas.

*Fides certa & Divina de omnibus à Deo, divino magno affectu &c. profectus.*

*Admiratio pro rerum affectu, Dantis, tuæ indignitatis magnitudinis.*

laria

*Intellectus.*

laria etiam naturalia & supernaturalia cognita & ignota, hæc plurima & magna, ( de his etiam actum die 2. medit. 1. )

*Quantum meâ causâ benignissimus Dominus egerit, atque pertulerit; quantum mihi elargitus sit de thesauris suis, quòdque juxta Divinum suum decretum & beneplacitum, seipsum mihi, quantum potest, donare velit.* Quid potest melius & dulcius facere Deus, quàm omnia tui causâ agere & pati, & sua omnia dare & seipsum.

Ista omnia & minimum quodvis beneficium in immensum & infinitum augetur, quod fit; primò ab infinita excellentia & amabilitate dantis: vide *Cons.* 1. 2: secundò ab infinita propensione & amore dantis: dulcis Dei dulcis amor: æterni Dei æternus amor &c. tertiò ex puritate infinitâ amoris, quia datur sine omni indigentia & intrinseco lucro dantis.

4. Ab infinitate finis, cujus causâ datur, scilicet æternæ in Deo felicitatis.

*Voluntas.*

Humiliatio tui *præ horum magnitudine.*

Adoratio & familiaris confessio donorum, bonitatis &c.

Gaudium supra omne gaudium de tanto bono.

Spes de futura bonitate, fiducia & solatium.

Gratia magna ad singulas Dei perfectiones, ad beneficia singula & in singulas conditiones augentes. n. 1. 2. 3.

Agnitio, quod nunquam possis sufficientes gratias agere.

Gratia cum Christo, per Christum B. V. & Ss.

*Intellectus.*

5. Ab infinitate mali, cujus loco datur, essem enim sine illo æternum infelix.

6. A quadam infinitate indignitatis in eo, cui datur: scilicet peccatori, nihilo &c. plurima nec petenti, nec cogitanti, nec merenti; dum tot alii meliores damnati sunt, & damnabuntur.

7. Magnitudine beneficii, quod datur.

7. Infinitate fontis, ex quo omnia proveniunt: ex sanguine, amore & meritis dulcis Jesu: ex amabilitate illorum per quos te amat & dat: per Christum, B. Virginem Mariam, Sanctos, Angelos.

9. Quod hæc sint arrha affectus Divini, & beneficiorum plurimum & æternorum.

10. Quod tota vita ab æterno sit horum una longa catena, & miraculum bonitatis & amoris in æternum. Denique quod hæc omnia proficiscantur ex inscrutabili abyſſo misericordiae & bonitatis; quod tibi pessimo hæc magna præ tot millenis aliis eveniant damnatis, futuris te multo melioribus.

*Voluntas.*

Desiderium prostandi aliquid valde acceptum & dignum tantis...

Amor Dei absolutus & benevolentia magna, in summo gaudio & gratulatione de omni & infinito bono intrinseco & perfectione sua, non tantum, quia tu gratus esse vis, sed maxime, quia ipse est dignus.

Desiderium & voluntas multi boni extrinseci, & beneplaciti pro dignus:

Magna confusio, & dolor & deprecatio de peccatis, negligentis, amori debito & amantissimo Deo inimicis.

Con.

*Intellectus.*

Conclusio pract. *Quibus optimè inspectis, vertar ad me ipsum, & disquiram mecum, quæ meæ sint partes, & quid æquum justumque sit, ut divine offeram & exhibeam Majestati.*

*Haud sanè dubium, quin mea omnia offerre debeam, ac me ipsum cum summo affectu. Infinita ista infinitum amorem & obsequium merentur.*

An non est summè æquum, honestum, gloriosum, dulce, utile, necessarium, dulcissimo genere dulcedinis & honestatis &c. ut cum summa complacentia bene illi velis, qui tam bene tibi voluit? ut amorem purum illi tribuas, qui te puro amore sine suo commodo dilexit? ut ames eo amore, quo in se, per se, ab æterno dignus, etsi nihil fecisset, eique omne & summum bonum velis, omne beneplacitum agendo, patiendo, conformando procures. (a) An non contrarium summum iniquitas, dedecus, amaritudo &c. Renovanda itaque ex hoc amore omnia bona proposita. d. 1. m. 3. d. 2. m. 2. 3. d. 5. m. 1. d. 7. d. 6. grad. hum. &c.

*Reflexio pro more.*

*Voluntas.*

*Et quia amor ab operibus magis, quam à verbis pendet, & consistit in mutua facultatum, rerum, & operum communicatione, ut S. P. ait;*

*Renova omnia proposita sancta, dic d. 3. m. cum S. P.*

*Suscipe Domine universam meam libertatem. Accipe memoriam, intellectam, atque voluntatem omnem. Quidquid habeo vel possideo, mihi largitus es: id*

*Intellectus.*

**Punctum secundum.**

**S**i rectè & sincerè amas Deum, quæres sedulò & ubique invenire amatum, uniendus ipsi pro ejus gloria & beneplacito, toto intellectu, quem obtulisti ipsi, & voluntate. Summum & unicum bonum est, summum bonum dulce, & gloriosum, & utile, summo soli omni bono uniri, amanti & amato; atque in unione omnia gratissima præstare, maximè cum amans Deus hanc unionem unicè desideret, & sibi & amato; quid erit disjungi vel uno momento? Invenies autem & in creaturis & in te. Hinc

*Memoria* proponit speculandum **DEUM** in singulis (nullâ exceptâ creaturâ vel eventu) existentem creaturis suis: & elementis quidem dantem, ut sint: plantis verò, ut per vegetationem quoque vivant: animalibus insuper, ut sentiant: hominibus postremo, ut simul etiam intelligant.

*Intellectus* itaque in creaturis (quibus omnis locus & tempus plenum est) per certissimam fidem invenit præsentem Deum; adest enim & inest omnibus intimè, quia

*Voluntas.*

tibi totum restituo, ac tuo prorsus voluntati trado gubernandum, amorem tui solum cum tua gratia mihi dones, & dives sum satis; nec aliud quicquam ultra posco.

(b) *Fides de singulis.*

*Gaudium magnum de DEO tam bono, tam certo & coram invento & semper invenibili.*

*Adoratio, allocutio in omnibus.*

im.

*Intellectus.*

immensus est; quia istic per se, ex se dat, ut sint; quia præsens cuique providet, quia præsens est velut in dominio suo. Adest & inest magnitudine suâ nusquam absente, sapientiâ, voluntate, bonitate, potentiâ suâ id dante singulis, quod sunt & habent, sine quo non essent. Inest, certo consilio quodam Divino & destinatione creaturæ. Adest, quidquid Deus est, sanctissima Trinitas. (b)

*Intellectus* porro considerat; quòd in his omnibus adsit Deus, sed oculo sit animoque ad me converso: tum quia ad meum usum & salutem his ipsis inest, & dat esse; tum quia in creaturis à me vult inveniri & deprehendi, quem videre in se nondum clarè possum; imò in creaturis dat seipsum præsentem. Mox etiam intellectus in & à singulis veluti radiis (totidem innumeris creaturis) ad solem ipsum Deum, versus & abstractus, obliviscitur, negligit, contemnit velut nihilum habet ipsam creaturam, abreptus à creatore deprehenso in creatura. Tum quia præsens est, tum quia dando præsens est, tum

*Voluntas.*

Gratiarum actio de præsentia & tam amica.

Neglectus & oblivio omnis creatura.

Dolor & confusio, quòd Deum tam amicè præsentem non adverteris, neglexeris.

Major dolor & confusio, quòd creaturis, in quibus tam amanter Deus præsens, toties ad peccatum abusus sis.

quia

*Intellectus.*

quia amore tui præsens est, idem ipse, de quo dictum est puncto primo, & talis &c.

*Conclusionem* practicam facit, quòd & totus intellectus & amor, & omne obsequium in eo solo & præsente semper & perfectè, debeat occupari. (b) sicut punct. i.

Puncti secundi pars secunda.

**M**emoria proponit illa verba S. P. *Inter quos* (scilicet creaturas cæteras omnes) *accepi & ipse universa hæc beneficia, esse, vivere, sentire, ac intelligere: meque templum quoddam suum efficere voluit, ad imaginem suam & similitudinem creatum.*

*Intellectus* multò jam propiùs & intimiùs majori amoris illi io; Deum invenio, d. m. intimè mihi præsens est æquè certò ac ullibi; & majore beneficio, dum tot titulis præsens, quot omnibus simul, & omnia dat, quæ omnibus simul, collecto in unum & beneficio omni, & affectu, & consilii intentione. Illud præterea expendit, rem miræ voluntatis & amoris; quòd te fecerit, & esse velit templum suum vivum, suæ gloriæ & honoris æterni, ut sis

*Voluntas.*

(b) *Ex reflexione dolor, & propositum, & Colloquium.*

(c) *Fides.*

*Gaudium, Gratitude, Humiliatio, &c. tanto major, quanto hic familiaris & copiosius & intimiùs Deum in te deprehendis.*

*Dolor & confusio, quod unquàm hoc templum sit passum Deas alienos: dæmonem.*

capax

*Intellectus.*

capax Dei, imago vera Dei, ad similitudinem summam Dei tum in esse, tum in felicitate æternâ gloriæ & gaudii.

Hic rursus in Dei conspectu oblitus sui & amoris sui intendet homo præsentem intimè soli Deo

*Conclusionem præct.* facit; quòd Deus optimus sit semper hac ratione in me inveniendus, summo amore & obsequio prosequendus solus.

Nullò amore proprio, cum non meus, sed totus sim & debeam esse Dei, qui totus quærit esse meus. Quòdque maxime agendum, ut totus sis templum Dei, soli Deo sanctum: habitet in te Deus per gratiam: præsens occupet totam memoriam, intellectum, & voluntatem: habeat in hoc templo perpetuum Sacrificium, laudis, amoris, patriæ, Eucharisticum, ac perpetuam victimam magnæ mortificationis. Cum illud templum sit simul viva imago Dei; fac ut talis sis imitatione perfectionum & operum Dei. (d) *Reflexio* pro more.

**Meditationis secundæ Compendiũ.**

Dilectus Deus ad amorem & unionem consequendam inveniendus est:

Primò: In magnis suis beneficiis.

Secundò: In omni creatura existens.

Tertio: In me ipso velut templo suo vivo.

Medi-

*Voluntas.*

*Invitatio*  
& *oblatio,*  
*consecratio*  
*per vetera*  
& *nova pro-*  
*posita.*

*Colloquium.*

ntas.  
Ex re-  
ae do-  
pro-  
n, &  
uium.  
Fides.  
dium,  
udo,  
liatio,  
tanto  
quan-  
fami-  
& co-  
& in-  
Deũ  
depre-  
olor  
fusio,  
nquã  
plum  
ssum  
enos:  
em.  
apax

Meditatio tertia.  
SIVE  
PARS SECUNDA  
Meditationis de Amore &c.

*Oratio preparatoria & præludia sicut med. 2.*

Intellectus.

**P**uncto primo, breviter repeti possunt unà cum suis affectibus dicta, meditatione superiore.

*Punctum secundum;* quod est tertium in meditatione S. P. de amore spirituali.

*Memoria proponit eundem Deum ac Dominum propter me in creaturis suis operantem & laborantem quodammodo: quatenus dat ipsis, conservatque id quod sunt, habent, possunt, atque agunt. (a)*

*Intellectus* considerat operantem Deum in omnibus & variis creaturis varia effecta, velut omnium necessariam mentem, & virtutem supremam, maxima & minima, universa: V. g. in cælis, elementis, &c. idque tam certò, tam efficaciter, tam constanter, tam miro ordine, tantâ varietate & delectabilitate;

Voluntas

*Quantum gauderet, & glorietur creatura, si agnoscere posset Deum in se ipsa presentem & in ipsa, cum ipsa omnia operantem! id nunc homo magis agat.*

(a) *Fides, admiratio, laus, benedictio, adoratio, humiliatio, magna & intensa quò propinquius, intimius, amantius, amabilius Deum presentem invenit.*

idque

*Intellectus.*

idque etiam in rebus supernaturalibus V. g. Sacramentis, per variam efficaciam meritorum Christi, idque tantò certius, quòd pro horum certitudine & fidem & promissionem suam interpoluerit. (a)

Expendit porrò, quòd plus sit operari, laborare, quàm solùm adesse; ideòque in his Deum velut manu prehensum invenit tantò sensibiliùs ad cognitionem & amorem, quia est præsens & propter me laborat tanta, tam sedulò & certò, tam providè & benevolè, &c. Hinc etiam, dum gratum aliquid V. g. gustum, suavitatem &c. à creatura productam percipit; mox creaturæ oblitus Deum percipit præsentem, operantem ex amore & eâ intentione; ut creatura serviat mihi, Deus in creatura meus fiat, & inveniatur, & ametur æternùm. (a)

*Concludit:* Sic in omnibus inveniendum & amandum esse Deum & toto affectu & obsequio solum prosequendum. Sicut m. 2. p. 1.

*Voluntas.*

*Gaudium*  
item, gratiarum actio, amor, complexus tam amanter præsens Dei.

*Dolor & confusio, quod unquam cooperante Deo abusus sis, ad vana, aut ad peccata.*

*Desiderium deinceps perfectiorum, maximè & brevi in cælo.*

*Imitatio Sanctorum in cælis.*

*Propositum.*

Expen-

*Intellectus.*

Expendit *Intellectus* ulterius & ad se reflexus: quod idem Deus egerit omnia bona, & agat in me, & agere magna cupiat secundum rationem vocationis (nisi ego obstem) & agere in perpetuum velit; ita ut magnâ & summâ meâ felicitate & gloriâ & dulcedine æternâ, omnis mea actio Divina sit, Deo digna, voluntati Dei conformis, quam Deus libens agat; ut tanquam in viva & simili, sibi cara imagine, ipse Deus agendo appareat Deo, in isto vivo templo Dei & totius universi compendio. Considerat sitam in hoc esse unicam & summam hominis felicitatem & Dei beneplacitum & totius coeli.

*Conclusionem* practicam facit; quod hac ratione debeat omnis mea actio & passio esse Dei magna & Divina, ad voluntatem Dei, intentione Dei, imitatione Dei in perfectione omni, collaborante libenter Deo. Sic infinite meretur beneficis amor in me Dei, excellentia, perfectio, bonitas Dei. *Reflexio.*

*Voluntas.*

(a) *Fides* & agnitio Dei in singulis, ejusque tam varii, magni & certi in omnibus amoris.

*Admiratio* pro rerum magnitudine, providentia & amoris.

*Spes* & fiducia in amante tam vehementer & prodigè.

*Gaudium*, desiderium magni boni reciproci.

(b) Uti intellectus admiratione, ita voluntas gaudio & amore mergitur in abyss.

Punctum

*Intellectus.*

**Punctum secundum.**

**M**Emoriã prospicere quo pacto munera & bona omnia cœlitus descendunt, ut sunt potentia, justitia, bonitas, scientia & alia qualibet, humana perfectio terminis quibusdam certis circumscripta: qua ab infinito illo, totius boni thesauri, sicut lumen à sole & ex fonte aqua derivantur. (a)

*Intellectus* expendit omnium rerum perfectiones (in singulis minutisque omnibus propriis, & alienis in quovis homine & creatura idem faciendum) esse munera & bona, uti superius dictum: descendere omnia cœlitus ab ipso Deo, qui in omnibus, à quo omnia sunt: ita expendi possunt perfectiones humanitatis Christi, B. V. Sanctorum in cœlis, bona in terris, naturalia supernaturalia. Mox agnito & in iis amato Deo, agnoscit esse omnia terminis circumscripta, magna equidem, at Dei comparatione non magna. Mox etiam velut inter radios abripitur ad solem hoc modo: V. g. hæc pulchri-

M

*Voluntas*

so bonitatis tum amore gratitudinis, tum absoluto & puro.

Desiderio magno & spe valde & summè Deo accepta præstandi in te & aliis.

Summa & sola quies in ultimo a summo bono, ejus voluntate, tui & omnium aliorum annihilatione.

Desiderio magno, & quotidiano brevi consequendi unionem cum Deo in celo

tudo

*Intellectus.*

tudo à bono Deo est, radius à sole. Pulchritudines similes & dissimiles in infinitum plures & meliores in Deo supersunt: illæ omnes quasi nihil sunt ad infinitam Dei & omnem pulchritudinem: illa Dei pulchritudo cum aliis item infinitis perfectionibus idem est, scilicet, cum sapientia infinita, omnipotentiâ, beatitudine, & infinitâ & omni. Hæc me præsens nunc expectat complexura & complexurum in æternum. Hic magnitudine amoris & amabilitatis obrutus, è fluvio in mare delatus, velut in termino & abyffo ultimâ mergitur admiratione intellectus. (b)

*Concludit* unâ sed magnâ voluntate & constante, nihil sibi, omnia & maxima Divino amori & beneplacito exhibere, ex ejus voluntate agendo & patiendo, semper digno infinite majoribus. uti suprâ m. 2. p. 1. &c. *Reflexio.*

**Meditationis tertiæ Compendium.**

**Dilectus Deus ad amorem & unionem inveniendus est:**

Primò: Operans in omnibus creaturis:

Secundò: In omnibus omnium perfectionibus.

NB. Addi possunt meditationes de *conformitate* cum omni voluntate Dei: de unione cum Deo, memoriæ, intellectûs, voluntatis &c. Hujus conformitatis

*Voluntas.*

*& in magna perfectione & Dei gloria magna.*

*Ad Deum, Christum, B. V. Sanctos.*

*Colloquium.*

*Pater. Ave.*

formitatis gravia & suavia motiva sunt, in omnibus planè meditationibus & materiis Exercitiorum, ac nominatim ex consideratione sequente. De desiderio unionis in cælo & felicitate vitæ cælestis. Hæc æstimari potest *primò*: ex præstantia objecti cælestis felicitatis, quod est Deus, Christus, B. Virgo Ss. omnia bona cælestia. Conf. d. 8. §. 1. 2. *Deinde* ex felicitate actionis & actionum d. 1. m. 2. p. 2. d. 8. Conf. 3. 4. &c. *Tertiò*: ex felicitatis diuturnitate d. 4. Conf. de ætern De perfectionibus & operibus Divinis. Vide de Ponte p. 6.

### Consideratio.

#### DE DIVINIS PERFECTIONIBUS & ACTIBUS ERGA DEUM.

**A**D omnes materias Exercitiorum, veritatésq; altiùs percipiendas, ad omnes item actus seu intellectûs, seu voluntatis, plurimùm facit, clara perfectâque ( quantum hæc vita patitur ) Dei & Divinarum perfectionum notitia. Faciet illa ad cognoscendam & æstimandam necessitatem & sublimitatem finis nostri, magnitudinem & gravitatem offensæ Dei, Dei jacturam in peccato & inferno, Christi excellentias & opera, Deum ipsum & cætera denique omnia supernaturalia sublimiùs æstimanda. Expedi etiam scire, quibus actibus in Deum & Divinas perfectiones ferri debeamus. Annotanda hîc igitur tria: *Primò*: Divinæ perfectiones. *Secundo*: Harum perfectionum quædam exaggeratio ad majorem digniorémque æstimationem. *Tertiò*: De actibus erga illas.

DE PERFECTIONIBUS DIVINIS.

**P**erfectiones Divinæ aliæ veluti sunt *Modales*, quibus cœteræ omnes plurimum & infinitum augmentur. Aliæ sunt *Absolutæ*, & velut Dei propria perfectio & felicitas sine respectu ad creaturas. Aliæ sunt *Respectivæ*, quæ creaturas respiciunt, atque Dei, vel in creaturas indolem, aut harum in Deo felicitatem denotant. Aliæ demum sunt Dei erga nos varia *Officia* ac tituli:

*Modales*

1. Primum
2. Necessarium.
3. Æternum
4. Perfectum.
5. Purum
6. Simplex
7. Summum
8. Omne
9. Unicum
10. Infinitum
11. Immensum
12. Immutabile.
13. Incomprehensibile & ineffabile

BONUM

*Absolutæ.*

1. Verus
2. Bonus
3. Vivus
4. Spiritus
5. Sapientia
6. Voluntas
7. Sanctitas
8. Potentia
9. Divitiæ
10. Pulchritudo.
11. Majestas.
12. Se cognoscens & amans, inde Trinitas : P. F. S.
13. Felix & quietus DEUS.

Hæc ita in te, eo amore & *Respe-*

*Respectiva*

1. Communicativus sui & suorum &c.
2. Verax.
3. Fidelis, sincerus.
4. Benevolus & liberalis.
5. Misericors benignus.
6. Longanimis.
7. Affabilis & exorabilis.
8. Providus.
9. Præsens.
10. Suavis.
11. Amabilis.
12. Justus bonis, malis.
13. Beatificans & satisfians.

*Officia.*

1. Principium & creator
2. Redemptor, Author statûs supernaturalis.
3. Conservator, & agens in omnibus.
4. Gubernator.
5. Providentia.
6. Dominus.
7. finis.
8. Prædestinans & vocans.
9. Regula & exemplar.
10. Protector.
11. Adjutor.
12. Pater, Frater, Sponsus &c. omnes tituli amoris.
13. Judex & merces bonorum & malorum,

præsenti bonitate exercet Deus, ac si in te solum.

Harum perfectionum legenda sæpe & expendenda declaratio, V. g. apud P. Lessium, de perfectionibus Divinis. P. Lud. de Ponte. Parte 6. Med. Ex Libello cui titulus, Aspiraciones Theologicæ, aliisque similibus.

SPHUS II.

HARUM PERFECTIONUM  
EXAGGERATIO.

Primò: Exaggerantur plurimùm perfectiones Dei ex magnitudine, ordine, excellentiâ, con-

stantiâ rerum, quæ ex illis profectæ sunt in cœ-  
lis & in terra; quòd tot & tanta indies, sine nu-  
mero exundent, ipsæ nihil minuantur, eadem  
ac æquè infinitæ, etsi omni momento millies plu-  
ra & meliora & in æternùm exeant. Sic auge-  
tur V. g. Sapientia & potentia Dei.

*Secundo* : Comparari potest una perfectio  
Dei V. g. Pulchritudo cum omni omnium exi-  
stentium & possibilium pulchritudine. Hæc om-  
nia continet & infinitè superat inferiora, tan-  
quam non sint.

*Tertiò* : Comparari potest una perfectio cum  
alia magis nota : V. g. Spem concepturus de bo-  
nitate & fidelitate Dei erga te ; cogita æquè ma-  
gnam æquè certam esse bonitatem & fidelitatem  
Dei erga te, atque potentia est : Quàm hæc in-  
finita ! quàm certa ! cogita hac majorem, certio-  
rem. Si non potes ; cogita tantam esse Dei in te  
benignitatem & fidelitatem, & vehementer con-  
fide, magnâ fiduciâ, quæ digna sit, & gloriosa  
tantæ bonitati &c.

*Quarto* : Omnes perfectiones in infinitum  
auget singularum *infinitas*, concepta & aliquo  
modo declarata per multiplicationem cubicam.  
V. g. Si ponas videre te primo momento visio-  
nis beatificæ unum gradum Divinæ pulchritudi-  
nis, altero momento duos ; tertio momento duos  
cubicè multiplicatos, jam erunt 4. quarto mo-  
mento videas 4. gradus cubicè multiplicatos ;  
jam

jam videbis 16. quinto momento videas 16. gradus cubicè multiplicatos, jam erunt 256. sexto momento videas 256. gradus cubicè multiplicatos, jam erunt 65536. quanto illa visio te obruet stupore! quid, si sic pergeres tali multiplicatione singulis momentis totius æternitatis! Obrueris admiratione & gaudio. Atqui tot, quasi gradus, pulchritudinis Dei sunt, actu existentes, nunquam exhauriendi omnibus omnium Angelorum & hominum novos gradus combinantium calculo æterno. Tantæ nunc sunt Divinæ omnes perfectiones.

*Quintò*: Adhuc magis exaggerantur singulæ perfectiones, si una combinetur cum omnibus aliis arte combinatoriâ. Sic enim unaquævis infinita per alias infinitas plus quàm infinitè crescit, cum sit idem cum illis, & earum excellentiam imbibat, ac toties excellat infinities magis, quoties cum nova infinita cogitatur indentificata. V. g. Providentia erga te, & fidelitas est infinita, (scilicet illo modo, quo dictum est n. 4) hæc eadem providentia & fidelitas est idem cum *sapientia* pariter infinita, cum *potentia* pariter infinita, cum bonitate & pulchritudine pariter infinita &c. atque ita de aliis. Quàm amabilis Dei erga te providentia & fidelitas! Quàm stupenda! Quid si jam cogites *pulchritudinem* & alias perfectiones, quibuscum idem esse ponitur providentia & fidelitas, esse denuò non suâ solùm infinitate, sed aliarum communicatione infinitas, quàm infinita

M 4

evadet,

evadet, quàm amabilis, æstimanda providentia & fidelitas. Hoc modo æstimari potest quivis Dei titulus *Pater bonus &c.*

*Sextò:* Colligitur etiam stupenda, timenda simul, & amanda summè Divinarum perfectionum excellentia, ex poena unius peccati mortalis etsi momentanei, contra Deum admissi. De quo vide Med. de peccat. Ex eo etiam, quòd omnium damnatorum æterna infelicitas (imò si omnes creaturæ possibiles simul æternùm damnarentur) nihil obsit Divinæ infinitæ felicitati & perfectioni, sitque coram illo, tanquam non sit.

*Septimò:* Cogitet demum aliquis, quod potest & optat in aliquâ perfectione optimum V. g. in Dei benignitate &c. mox per fidem pro certò habeat, cum gaudio hoc & plura esse & infinita.

NB. Eadem infinitas & excellentia Divinarum perfectionum auget quasi in infinitum excellentiam earum rerum, quæ Dei sunt quâdam ac supernaturali ratione & relatione V. g. Matris Dei, amoris Dei in te, amicitia & gratia Dei, visionis ac possessionis Dei, voluntatis Dei, offensæ Dei, &c. supra omnem scilicet excogitabiliû amicitiam, gratiam &c. Cujus comparatione omnia alia in nihilum disparent; adeoque cætera & creata omnia ac te ipsum in infinitum atque in nihilum deprimit hæc Dei & divinarum perfectionum excellentia.

Sphus

DE ACTIBUS ERGA DEUM,  
maximè amoris

**A**Mor vult & desiderat bonum cognito bono. Videndum itaque est *primò*: quis sit, cui amor vult bonum. DEUS scilicet, & qui eam habent ad DEUM relationem; ut quidquid illis fit, dicat DEUS *mihì fecistis*. *Secundo*: Videndum quodnam illud bonum, quod vult amatis amor. *Tertiò*: Quinam actus interni amoris. *Quartò*: Quænam proprietates hujus amoris. *Quinto*: Quomodo actus interni augendi & intendendi sint. *Sextò*: Qui actus externi aut imperati.

*Primò*: Cui bonum?

DEUS, ac tres Divinæ personæ, singulæque perfectiones divinæ.

CHRISTUS, cum perfectionibus divinis; ejusque Humanitas perfectiones Divinas & participans & imitans suprâ omnes.

MARIA Mater Dei.

ANGELI.

HOMINES &c. }	In cœlo.
	In terra.
	In purgatorio.

Christi & creaturarû excellentia & amabilitas spectatur in relatione quam habent ad Deum; deinde ex communicatione divinarum perfectionû absolutarum & respectivarum &c. supernaturalis gratiæ & glo.

& gloria. V. g. Filius Dei, Mater Dei, viva & Dei capax imago Dei, apta & nata ad æternam gloriam Dei &c.

Secundò: Quod bonum?

NB. *Motivum, cur velis DEO bonum, sunt ejus amabiles perfectiones de quibus S. I. bona verò hæc sunt.*

Esse unum aliquem Deum; hunc, & non alium.  
Perfectiones divinas & infinitas habere.

Actibus internis cognitionis & amoris, sui, suarum perfectionum & actuum habere gustum beatissimum.

Habere actus externos perfectionum suarum, magna opera supernaturalia, secundum voluntatem suam, ad finem, gustum & gloriam suam magnam.

Christum esse, ejusque divinas & humanas perfectiones, ejus actus internos, vitam, mortem, gloriam &c. ad maximum Dei beneplacitum, gustum, gloriam æternam.

MARIAM esse, Angelos, Sanctos in cælo, coetum prædestinatorum omnium, justos in terra & Ecclesia; in quorum perfectionibus, divinarum imaginibus, actibus internis, externis multis & magnis, V. g. martyriis, omnibus denique creaturis magnum habeat Deus beneplacitum, gustum, gloriam in terra & æternitate.

Denique

Denique magnum ex te ipso beneplacitum & obsequium, ad magnam & universam Dei gloriam: nunc & æternum.

Sicut amor vult & desiderat amato omne bonum, ita odit & fugit, horret, timet omne illi ac minimum contrarium malum, peccatum proprium, & alienum.

NB. Eadem bona cum proportione velle debemus aliis propter Deum amatis, V.g. Christo, B. Virgini &c. scilicet divinas perfectiones communicatas, amicas, possessas aut possidendas, in gratia & gloria: item singulorum bona in mutuo amore & gaudio: ex te ipso verò magnum amorem, beneplacitum, imitationem, obsequium & augmentum communis gloriæ.

### Tertiò: Quinam actus interni?

In fide viva & unione, agnitio lubens, & magna æstimatio, admiratio, appretiatio, laus, benedictio Dei & divinarum perfectionum. Confessio, quòd dignus sit omni & infinito bono. d. 1. M. 1. 2. & 3.

Gaudium & complacentia de Deo & divinis bonis. num. 1. 2.

Benevolentia & favor magnorum bonorum n. 1. 2. &. Gratulatio & gratiarum actio de iisdem.

Adoratio & humiliatio sui cum gaudio, quòd Deus tantus sit, ut tu & creata omnia sint nihil.

Exina,

Exiānitio lubens omnis esse & boni tui, ut Deus sit & habeat omnia.

Omne solum & summum bonum ducere, utile, gloriosum, dulce, necessarium, ut omnia Dei solius sint, ad illius consilium, voluntatem, gustum & gloriam. Confid. d. 1.

Desiderium valde placendi & obsequendi Deo ad gustum & gloriam solius, agendo, patiēdo, nunquam satis d. 1. m. 3. præstandi aliquid divinum & infinitum saltem per Christum, cum Christo & Sanctis, cum exemplo eorundem & meritis.

Oblatio sui & suorum omnium, cum gaudio summo, ut hæc possint esse amati ad magnum beneplacitum & gloriam in terra & coelo universam.

Resignatio cum desiderio & oblatione ad omnem ejus voluntatem, circa te, tua, & alia omnia, vitam brevem aut longam & in tempore & æternitate &c. ad dura & adversa maxima; atque ipsam mortem & martyrium. Perfectionis & gloriæ ad omnem gradum, modum gratiæ, ad omnes eventus; etiam ad multorum justam damnationem. Gaudium quod habeat Deus, quod ex divino consilio destinavit pro sua æterna gloria, cæterum nullius egeat.

Desiderium & petitio, ut perfectius semper glorifices Deum & nunc in terra, & brevi in caelis.

Zelus

Zelus, ut idem magnâ perfectione, plurimi alii, omnisque creatura præstet in terra & in cælo. Studium hoc procurandi desiderii, orationibus, meritis, poenitentiis, laboribus. Hoc est simul procurare Deo magnam gloriam, & proximis propter Deum amatis summam felicitatem. die 5. Medit. 1.

Magnum odium, horror, dolor, tristitia, confusio de actibus contrariis amato, omissione gloriæ & beneplaciti, in te & aliis, cum desiderio & studio magno amoliendi & compensandi.

Similes actus eliciendi sunt erga Christum, Matrem ejus, Sanctos propter Deum valde amatos.

NB. *Speciales* sunt quidam actus singulis perfectionibus debitæ. V. g. Fides veracitati, spes & fiducia promittendi fidelitati, recognitio gratiæ, bonitati beneficæ &c. Reverentia præsentia, Adoratio majestati, Obedientia voluntati, timor, supplicatio & poenitentia justitiæ & Majestati læsæ, oratio liberali, & fideli fonti, permissio omnium providentiæ. Hi actus perficiuntur, cum multum exaggeratæ fuerint perfectiones divinæ ex §. 2. n. 2. & pro illarum merito actus fuerint intensiores sine omni contraria imperfectione.

### Quartò: Quænam proprietates actuum?

Sunt supra omnia. V. g. Æstimatio, gaudium de Deo &c. supra omnia; ita ut cætera sine eo  
& com-

& comparatione illius habeantur, tanquam non sint: supra omnem respectum, difficultatem, commodum proprium aut alienum.

Sunt universales: in omnibus & semper.

Sunt solius, ut V. g. solum æstimes, aut saltem ipsum in aliis.

Suaves - fortes - liberales - solliciti - exacti - familiares &c.

Sunt, saltem desiderio & conatu, congrui perfectionibus divinis V. g. primo bono primus amor, soli solus, summo summus, infinito infinitus &c. saltem voto & per Deum ipsum & Christum. d. 1. M. 3.

### Quintò: Quomodo augentur & intenduntur actus?

Exaggerentur perfectiones personæ juxta modos sphi secundi, atque auctâ inde æstimatione fiat conatus major & major ad actum dignum istâ magnitudine V. g. adorationis, gaudii &c.

Auge æstimationem objecti, seu *boni quod &c.* n. 2. atque de his tantis, tantò magis Deo gratulare.

Etiam actus actum exaggerat: V. g. Resigno me tibi, quia credo, quia revereor, quia amo, quia gratus sum &c.

Fatere Deo, quod nihil habeas aut possis dignum tanto Deo, tantisque perfectionibus. Gaudere

de quidem, quod tantus sit Deus, infinitè tua obsequia excedens, semper inferiora merito : Confundere tamen & dolo, quod semper infinitè distes ab eo, quod meretur, maxime per malitiam tuam.

Gaude valde, quod Deus in se, per se, in Christo & in magnis Sanctis & aliis habeat, quod in te non habet. Quòdque tu in Christo habeas, quo tua suppleas & emendes.

Desidera & invita illos ad præstandum magnum Deo meritissimo beneplacitum. Invitantur etiam ratione carentia, ad Dei laudem facta.

Attende ad acta ipsius Dei, Christi, B. Virginis Ss. &c. horum imitatione altiùs conare. Opta ut horum actus tui sint: cum horum actibus tuos unias; cum tuis, horum omnium actiones.

Desidera & pete semper meliora & acceptiora Deo in te & aliis & omnibus creaturis: maxime verò ut brevi in cœlo & in æternum sine imperfectione laudes & ames Deum cum plurimis aliis & tota Curia Electorum,

Pactum cum Deo & Ss. quòd omnis etiam minima actio totius diei & vitæ, etiam non proxime libera V. g. gressus & suspiria omnia &c. idem significatura & valitura sint, quod hætenus dictum est.

Hi actus applicari possunt devotioni erga Christum, B. V. Ss. &c.

Sextò

Sextò: Actus externi & imperati.

Præmissis actibus internis jam dictis (ex quibus omnia alia actio aut passio procedere debet) summa indifferentia ad quidvis tenenda est, solum intento oculo, solum prono & prompto & affixo animo, ad id, quod est voluntas & beneplacitum majus Dei & major gloria.

Hoc verò omninò & præ omnibus sciendum: Cruciatu, mors, conatus ad actus seraphinorum, conversio mundi, summa quæque aut acta aut tolerata, per se sola, comparata ad meritum & excellentiam Dei, modica sunt, vilia sunt, nihil sunt: Sic nunquam aliquid magnum aut par aut dignum Deo præstabis. Non est Deus indigens tui aut rerum tuarum, quantumvis maximæ forent.

Nunquam (si cætera desint) tali operi Deus magnopere benedicet; nec plus ages morte toleratâ quàm somno. Totus valor & solus, totum beneplacitum & solum omnis operis externi aut imperati, pendet ex his tribus, quæ si absint, nihil est: quorum si unum abest, detrimentum est. *Primò* Ut sit secundum & ad voluntatem Dei atque intentionem, & re & modo seu perfectione. Hoc enim solum placet voluntati, quod est conforme voluntati. Hoc solum bonum & sanctissimum, quod sanctæ divinæ voluntati conforme est. *Secundo* Ut fiat ex optimis & magnis actibus & desideriis internis, de quibus superius n. 2. *Tertiò* Ut sit in virtute unione & imitatione

ne operum ac meritorum Christi, & Sanctorum, infinitum est pondus horum & decor. Hæc adde cuius rei minimæ. Cæteris tamen paribus vel majoribus major apud Deum est res major Deo exhibita.

Itaque eligatur & fiat opus secundum majus beneplacitum & voluntatem Dei ex magno affectu, & desiderio interno n. 2. 3. 4. unà cum Christo, Ss. & ipso Deo; ut ita quodvis opus sit opus divinū & Christi & Ss. re, intentione, imitatione, unione, modo, & studio perfectionis, ad tuā & aliorum salutem, perfectionē & gloriam. Ora, ut hanc Dei voluntatem & agnoscas semper & perficias.

Atque in hoc solo sit sola & certa spes benedictionis & gloriæ divinæ, quies, gaudium, cum nova resignatione in futura, in quemvis eventum & in omnem Dei voluntatem certò optimam & pari intentione accipiendam.

Applicetur devotioni erga Christum, beatam Virginem & Sanctos.

### Verba Scripturæ sacræ.

Nos ergo diligamus DEUM, quoniam ipse prior dilexit nos. 1. Joan. 4. 19.

In charitate perpetua dilexi te. Jer. 31. 3.

Ipsè Pater amat vos. Joan. 16. 27.

Diligam te Domine fortitudo mea; Dominus firmamentum meum, & refugium meum & liberator meus. Ps. 17. 2.

N

Tu

Tu autem in nobis es Domine. Zach. 2. 13.  
 Omnia ossa mea dicent, Domine quis similis  
 tibi. Ps. 34. 10.

Ex ipso, & per ipsum sunt omnia, ipsi gloria  
 in secula, Amen. Rom. 15. 35.

Renuit consolari anima: memor fui Dei & de-  
 lectatus sum. Ps. 76. 4.

Quomodo tu dicis, quod amas me, cum ani-  
 mus tuus non sit mecum. Jud. 16. 15.

Ego dilecto meo, & ad me conversio ejus.  
 Cant. 7. 10.

Desiderium habens dissolvi, & esse cum Chri-  
 sto. Phil. 1. 23.

Tibi dixit cor meum, exquisivit te facies mea,  
 faciem tuam Domine requiram. Ps. 26. 8.

Si Deum diligis, Deus es; si terram diligis, ter-  
 ra es. S. Aug.

Omnes gentes quasi non sint, sic sunt coram  
 eo, & quasi nihilum & inane reputatae sunt.  
 Isa. 40. 17.

## Legenda.

Ex Thom. Kemp. l. 3. c. 5. 6. 22. 49.

Libel. Exerc. d. 2. & 3. modo orandi.

Lancit. opusc. XI. C. XI. C. 14. C. 15. C. 32.  
 C. 13. de B. V. op. 10. C. 19. op. 6. C. 16. 17.

Rodericio p. 1. Tr. 6. pleraq; Tr. 8. de conform.

Nieremb. de ador. l. 2. c. 1. 2. 4. l. 3. c. 5. 6.  
 & c. l. 4. c. 1. 2. ad fin.

APPEN-